

# Արախուն գործադրող Մոսկվայի հանրահայ ֆաղափականութիւնը դաւանում է Եւրախորհրդարանի բննարկման նյութ

Մայիսի սկզբներին Հայկական ժողովրդային շարժման պատվիրակությունը որպես դիտորդ ներկա գտնվեց Հունաստանի Կորֆու կղզում կայացած Եւրախորհրդարանի սոցիալիստ պատգամավորների խմբի խորհրդաժողովին և նրանց ներկայացրեց իր կողմից ստորագրված մի կոչ-դիմում:

Շարժման պատվիրակությունը խորհրդաժողովի շրջանակներում շփումներ հաստատեց Եւրոպական ընդհանուր շուկայի գանազան երկրների պատգամավորների հետ, նրանց քացատրելով Արցախյան ճգնաժամի վերջին իրադարձությունները և կենտրոնական իշխանության հակահայ դիտավորությունները:

Պատվիրակությունը հատուկ հանդիպում ունեցավ Ֆրանսիայի սոցիալիստական կուսակցության պատգամավորների հետ, որոնց հետ միասնաբար մշակվեց մի նախագիծ-բանաձեւ, ուր, նկարագրելով Արցախում և նրա հարակից հայաբնակ շրջաններում հայերի համար ստեղծված ան-

տանելի վիճակը, ավերածությունները, ըստ պնդումների տեղահանությունը, որ հետեւանք է Մոսկվայի կողմնակալ քաղաքականության, ասվում է թե՛

«Եւրախորհրդարանը կոչ է անում նախագահ Գորբաչովին, ազերի և հայ իշխանություններին՝ անմիջապես վերջ տալ բռնության գործողություններին, դատապարտում է խորհրդային բանակի և «ազերի ուժերի» դավադիր համաձայնությունը, որ մեկ անգամ չի գործադրել Ղարաբաղի հայ բնակչության նկատմամբ, և հրապիրում է խորհրդային, ազերի և հայ իշխանություններին Ղարաբաղի խնդրին քաղաքական լուծում տալ, համաձայն մարդու իրավունքներին և ինքնորոշմանը, ինչը ունակ կլինի վերացնելու լարվածության պատճառները և Կովկասի այդ շրջանի առճակատման տեւական վտանգը»:

Այս բանաձեւը սոցիալիստական խումբը հանձն առավ ներկայացնել Եւրախորհրդարան: